

## KUPU APITI.

Rarangi Tuatahi.	Rarangi Tuarua.	Rarangi Tuatoru.	Rarangi Tuawha.	Rarangi Tuarima.
Waimana 266A 4	Whakatane	23 o Tihema, 1920.	10 o nga haora i te ata	Ko tetahi hoko e whakaarohia ana o te whenua ki a James Ambrose Eivers me whakaae atu.
Waiohau 1A 11	"	"	"	(1.) Ko tetahi rihi e whakaarohia ana o te whenua ki a Agnes M. Pike me whakaae atu; ara
" 1A 13	"	"	"	(2.) Ko tetahi hoko e whakaarohia ana o te whenua ki a Agnes M. Pike me whakaae atu.

## TE KAUTE KAUNIHERA O WAITOMO.

Mo te taha ki te Ture mo nga Kaute, 1908, a mo te taha ki te Ture mo nga Mahi mo te Katoa, 1908.

HE whakaaturanga tenei kia mohiotia ai e mea ana te Kaute Kaunihera o Waitomo, i raro i nga tikanga o nga Ture kua huaina i runga ake nei, ki te whakahaere o tetahi mahi mo te katoa, ara, ki te mahi kia tika ai te rere a tetahi rori a hei whakatutukitanga i taua mahi mo te katoa, e hiahia ana kia tangohia nga whenua e whakaaturia nei e te Kupu Apiti ki tenei.

A he whakaaturanga atu ano hoki tenei ko te mapi o nga whenua e hiahia nei kia tangohia kua whakatakotoria ki roto ki te tari o te Karaka o te Kaute Kaunihera i Taupiri Tiriti, Te Kuiti, a e takoto tuwhera ana i reira hei tirohanga ma nga tangata katoa, kahore he utu, i nga haora e tika ana.

Ko nga tangata katoa e pangia ana e te mahinga i taua mahi mo te katoa, e te tangohanga ranei i aua whenua, mehemea he take tika a ratou whakaae ki taua mahi mo te katoa, ki te tangohanga ranei i aua whenua, me tuhituhi a ratou whakaae ka tuku mai ai i roto i nga ra e wha tekau i muri iho o te putanga tuatahi o tenei panuitanga, ki te Karaka o te Kaute Kaunihera, ki te tari o te Kaunihera i Taupiri Tiriti, Te Kuiti.

## KUPU APITI.

Te nui o te Whenua.	He Wahi no.	Te Kara o te Mapi.
F. R. P.		
3 3 20 9 ..	Maractaua 3B ..	Whero.
1 0 2 9 ..	Tekiona 17 ..	Puruu.
1 1 15 5 ..	Tekiona 8 ..	Whero.

Kei roto i Poraka VI, Takiwa Ruuri o Otake.

P. MORA,

1106 Karaka o te Kaute Kaunihera o Waitomo.

## HE PANUITANGA KI TE IWI MAORI.

Tari o te Minita o te Ora mo te Katoa, Poneke, 10 o Aperira, 1919.

I TE ekenga mai i nga motu o tawhiti ki enei motu i mua tata ake nei o te mate rewharewha uruta (*influenza epidemic*) he tino maha nga tangata o te iwi Maori me te iwi Pakeha i hingahinga i taua mate. Kei tupono tera ano taua mate e hoki mai, notemea kua pera hoki ki etahi atu motu. Na reira ko tatou me noho i runga i te tupato me te noho tiaki ki taua mate. Ko te huarahi marama ia he whakapai i nga kainga he tahi he horoi i nga whare he koko i nga paru me nga kino ka hari ki wahi ke kia mamao atu i nga kainga Maori me nga taone. Ki taku whakaaro hoki me

karanga he huihuinga ki ia takiwa ki ia takiwa a kia whakaturia he Komiti mo ia kainga huihuinga hei whakahau kia whakaritea nga tikanga horoi i nga whare a hei tahi i nga kainga kia takoto pai ai kia takoto ma ai. Me tahi ia whare ia ruuma kia ma rawa, ko nga puehu me nga paru me koko ki waho ka tapuke atu. Ko nga paru hooho kau ranei me whakawhaiti ka tahu ai ki te ahi. Ko nga whare me nga taiepa poaka me whakapai ka tahi kia ma, ko nga paru me tapuke atu. Ko nga paru manu katoa me tapuke atu. Ko nga puna wai me nga korero wai me pai tonu te tiaki kei taka he kino he paru ranei ki roto, kei tae ranei he manu he kararehe ranei ki reira inu wai ai a ka kino te wai.

Me whakarite ki ia kainga ki ia kainga he whare hei hohipera mo te tupono rawa ake o te hoki mai o taua mate e noho rite ana he whare motuhake hei takotoranga turoro, e watea ana ki tahaki ke o te nuinga o nga tangata. Ina tupono ki taua wa me waiho kia kotahi tonu he tangata hei tomo ki roto ki taua whare ara ko te tangata e whakarite ana hei kai-tiaki mo taua whare.

Mehemea ka rite a ka hangai hoki te whakahaere i enei tikanga katoa e tino mohio ana au e kore e rite te whiu a taua mate a muri ake nei ki tona whiu i tona taenga mai ka hori ake nei. Na reira, ka inoi ahau ki nga rangatira Maori katoa me te iwi nui kia tahuri kia awhina i tenei mahi tino nui. Kua e waiho kia eke rawa mai te hoa riri ki runga ki te pae ka korikori ai. I tawhiti ano ia e haere ana mai e hopu ana to ringa ki te patu. To patu ki to ringa mau ai inaianei.

G. W. RUSSELL,

Minita mo te Tari Whakaora.

T. H. A. VALINTINE,

Apiha Tumuaki o te Tari Whakaora

## CONTENTS.

NOTICES—	PAGE
Declaring Native Land to be Crown Land ..	785
Taking Land for a Road .. ..	785
LANDS—	
Sitting of the Native Land Court at Kororareka	785-787
Meetings of Maori Land Boards—	
Tairawhiti District .. ..	787
Wairariki District .. ..	787-788
Precautions regarding Influenza ..	788
ADVERTISEMENT—	
Taking Land for Roads .. ..	788

I taia i runga i te Mana o te Kawanatanga o Niu Tireni, e MAKANA MAKA, Kai-ta a te Kawanatanga, Poneke.